

» Онегелі өмір

Ібіжанның ізгі іздері

Арада қаншама жылдар өтсе де өнегелі өрісі, елге жасаған жақсылығы, кейінгіге қалдырған ізгі амалдары шыңға қонақтаған тау суындай саркылмайтын жақсы жандар болады. Олардың кемеліне келіп, кемерінен асса да елге берері ұрпақтан ұрпаққа жалғасып жатады. Бірақ, уақыт деген жымысқы жебір бар. Небір жақсылар мен жайсаңдарды ұмыттырған оған қарсы келер дауа бар ма? Әйткенмен, ел ішіне барсаңыз, көнекөз қариялар бұрынғы өткен жақсыларды, кешегі өздерімен үзеңгілес жүрген замандастарын айтып отырады.

Сабырбек ОЛЖАБАЙ,
«Öntüstik Qazaqstan».

Кәрі Созақта да ел есінде сақталған атпал азаматтар көп. Солардың бірі – Ібіжан Аяшев. 1913 жылы өмірге келген Ібіжан зар заманның запыранын бір кісідей тартқан, оның көрмеген азабы жоқ. 1920-1921 және 1930-1931 жылдардағы ашаршылық қаршадай баланы былай қойғанда, ересектердің өзін есеңгіретіп жіберді. Жұрт құм кезіп, жаужұмыр теріп кетті. Жәндіктер адам көрсе тырақайлап қашатын заман туды.

Теріскей түкпірде жатқан, өркениеттен жырақтау өңір болатын. Істей қоятын жұмыс та жоқ. Қолдағы бес-он тұяқты қызылдар сыпырып әкеткен. Шөл және шөлейт аймаққа орналасқан ауданның табиғаты да екінші бірінде тұлан тұтып, шандатып не борандатып тұрады. Теміржол болса да жоқ. Негізгі теміржолға жақын ауылдар ашаршылық зардабын аса көп тарта қоймаған деседі ғой. Қу мекпен құлазыған далада жан сақтаудың өзі азап болатын.

Бірақ, «Адамның Алласы болса, бөрінің Тәңірі бар» демекші, қыбырлаған пендеге пана табылады екен. Қарт Қаратаудың түкпіріндегі Ақсұмбе ауылының түлегі, кейін мемлекет және қоғам қайраткері дәрежесіне көтерілген Сұлтанбек Қожанов ашаршылықтан бұратылған бұратана халыққа шүлен таратып, талайларды ажал тырнағынан арашалап қалды. Жарықтық көзі тірісінде С.Қожановтың «Шүлен көжесі» туралы айтып отырушы еді. Сондықтан да Ібіжан қария бір үзім нанның құдіреті мен қадірін бағалап кетті. Ол жолда нан қиқымы жатса атынан түсіп, маңдайына қойып, сосын қалтасына салып алатын. Кейінгі толқын жастар оның бұл әрекетіне де жатырқай қарайтын.

Расында, Ібіжан Аяшев нан қадірін жақсы білетін жан еді. Ұлы Отан соғысына қатысып, небір аласапыран арасында жүріп, бір үзім нанға зар болғанын қалай ұмытсын?! Қос қырғынды басынан өткерген Ібіжанға соғыс салған сойқан да ауыр салмақ түсірді. Ол 1941



жылы майданға алынып, одан 1947 жылы бірақ оралды. Қаншама қаланы жаудан тазартып, фашистерді өз ұясында талқандауға қатысты. «Енді елге қайтамыз ба?» деп тұрғанда оларға тағы жауапты міндет жүктелді. Берлин қаласында тыныштық орнату, қаланы қалпына келтіру жұмыстары да оңай бола қойған жоқ.

Ібіжан ауылға оралғанда әкесі Аяш Бозаев №12 «Талапты» колхозының жылқысын бағып жүр еді. Кейін бұл колхоз іріленіп, «Созақ» совхозына айналды. Теріскейдің түлен түртіп тұрған қытымыр қысында үйірлерді аман сақтап, биелерден құлын алуда жоғары жетістіктерге жеткені үшін Аяш ата «Еңбек Қызыл Ту» орденімен марапатталды.

Ібіжан да әке жолын қуып, қолына құрық алды. Құрығы құтты болып, жиырма жыл бойы совхоздың табысын еселеді. Жеңіс жауынгері Ібіжан соғыстан оралысымен Марқабай қызы Бибікүлмен бас қосып, екеуінен он екі ұрпақ тарады. Оның төртеуі бүгінде жоқ. Қалған балалары аман-сау тіршіліктерін дөңгелетіп жүр. Орынбек, Қанат, Бақытжан атты үш ұлы мен Бейбіт, Тәттікүл, Өсемгүл, Орынкүл, Қалдықүл атты бес қызынан 26 немере, 91 шөбере тарады. Ібіжанның үш ұлы мен үш қызы бүгінде Шымкент қаласында тұрады. Барлығының өз тіршілігі бар. Ілекеңнің бір қызы қасиетті Түркістанда тұрса, тағы бірі Степной поселкесінде. Ібіжан ақсақалдың үлкені Орынбек туған ауылына демеушілік жасап, талай ізгі тіріліктер істеді. Ауылға көпір салып берді. Мектептің құрылыс жұмыстарына қолғабыс жасады. Бұдан тыс мектепке өз қаржысы есебінен бірқатар көрнекті құрал-жабдықтар (оның ішінде компьютерлер де бар) сатып әперді. Созақ ауылына кіре беріс жерде бүгінде тарихи оқиғаларды еске салатын керемет кешен тұр. «Созақ көтерілісі»

аталатын бұл орын бүгінде тарихтың тереңінен талай сыр ақтарады. Міне, осы тарихимәдени кешенінің салынуына Орынбектің қосқан үлесі зор. Ең бастысы, ол осы кешенді ашу жөніндегі идеяның бірден бір авторы. Осы істің басы-қасында өзі жүріп, көп шаруаны атқарды.

Жиырма жыл жылқы баққан Ібіжанға совхоз басшылары бірде қолқа салды. Шаруашылықта түйе өсіретін малсақ адам сирек еді. Тәжірибесі толысқан Ібіжан түйе өсіру ісінде де өзінің әбжілдігін байқатты. Ойсыл баба түлігі жыл сайын көбейіп, табысы да молайып келе жатты. Жалпы, Ібіжан малдың тілін білетін шаруақор адам болатын. Қырық жылдай мал шаруашылығымен айналысқанда совхозға қаншама табыс әкелді десеңізші?! Өрине, көп жылғы жемісті еңбегі бағаланбай қалған жоқ. Кеңес өкіметі тұсындағы марапаттардың талайын алды. Зейнеткерлікке шыққан соң да ел қызметіне араласып, ауылдың сыйлы азаматтарының біріне айналды. Бір басынан қаншама зұлмат өткізген жүрек 1983 жылы оның жетпіс жасында соғуын тоқтатты. Ал, Бибігүл ана 2014 жылы 86 жасында баласының қолында бақилыққа аттанды.

Талай тауқыметті басынан өткерген Ібіжан Аяшев та кезінде Сұлтанбек Қожановтан алған тәрбиесі бойынша көптеген тарыққан жанға жәрдем берген екен. Оны Созақтың байырғы тұрғындары өлі де айтып отырады. Біз Ібекеңнің балаларынан әкелерінің жұртқа жасаған жақсылықтары жөнінде сұрап көрдік. «Жасаған жақсылықты жария ете берме» деуші еді әкеміз. Бәрі де өткен жылдар еңісінде. Әруақтар разы болсын!» дейді ұрпақтары.

Біз де осы сөзге ұйыдық.

Созақ ауданы.

» МӘМС

Тиімді, тез әрі тегін

Мемлекеттің дамуы мен халықтың жаһандық қауіп-қатерлерге қарсы тұруының бірден-бір кепілі – дені сау ұлт. Еліміз егемендік алғалы бері ұрпақ және ұлт саулығына баса назар аударылып келе жатқаны анық. Міндетті әлеуметтік медициналық сақтандыру енгізілгені бері жыл санап дәрігерлердің, медицина саласы мамандарының әл-ауқатына, тұрғындардың сапалы медициналық қызметтермен қамтылуына жете мән беріліп келеді. Міндетті әлеуметтік медициналық сақтандырудың жүзеге асырылуы медициналық қызмет көрсетудің сапасы мен қолжетімділігін жақсартуға бағытталған. Сайрам аудандық орталық ауруханасы — ел игілігін, халық денсаулығын нығайтуға өз үлестерін қосып келе жатқан медицина ұжымдарының бірі. Ұжым науқастарға бастапқы, бейінделген және мамандандырылған медициналық көмек көрсетеді. МӘМС-тің тиімділігі мен басымдылығын сезінген жандар оның сапасының артқанын айтып, ризашылықтарын білдіруде. Солардың бірі — Камілжан Орманұлы МАНАСОВ. Қазіргі таңда ауруханада ем қабылдап жатқан науқаспен сұхбаттасудың сәті түскен еді.

- МӘМС жүйесі іске аса бастағаннан бері қандай өзгерістерді сезіндіңіз?
- Мен Ақсуқент кенті, Байтұрсынов атындағы көшенің тұрғынымын. Ауруханаға 31 қазанда госпитализациялау бюросының порталы арқылы түсіп, ем қабылдаудамын. Соңғы кездері ауруханадан көптеген жақсы өзгерістер мен үрдістерді байқадым. Біріншіден, ем алу үшін науқастарға қолайлы жағдайлар жасалынғанын, көзқарастарының жақсарғанын, екіншіден, медициналық қызметкерлердің білімдері жоғарылап, біліктіліктері шыңдалғанын, зертханалық және құрал-жабдықтық тексерулердің саны мен сапасының артқанын байқадым. Тағы басқа ілгерілеушіліктер де көзге түседі.
- Емханада қараласыз ба?
- Иә. Дәрігерді таңдау құқығыммен Ақсу-

кент емханасында көп жылдардан бері бірнеше сыртқаттармен диспансерлік есепте тұрамын. Учаскелік дәрігеріме және басқа мамандарға уақтылы көрініп, тексерулерден кедергісіз тегін өтіп отырамын.

- Ауруханаға жату кезінде ауыртпалықтар туындады ма?
- Жоқ қиындықтар орын алған жоқ. Учаскелік дәрігерім ауруханаға жатқызу үшін тез арада алдын-ала тексерулерден өткізіп барып, порталға қойды.
- Зертханалық, құрал-жабдықтық тексерулер қалай өткізілді, тегін бе, көп күттіңіз бе?
- Учаскелік дәрігерім: «Ауруханаға жатқызар алдында анализдерді тапсыруға және құрал-жабдықтық тексеруден өтуге қай күні ыңғайлы?» деп сұраған болатын. Мен өзіме

қолайлы уақытта тексерулерден өттім. Ертесіне дәрігерім тексеру қорытындылары дайын болғанын және мені ауруханаға жату порталына тіркегенін айтты. Бір күннен соң емделуге жаттым. Барлық тексерулерден тегін өттім. Таңқаларлығым, емханадағы барлық тексеру қорытындысын және жолдамалды дәрігерлер аурухана базасынан электронды түрде алды. Қағаз тасып әуре болмадым.

- Қымбат тұратын тексерулерден өткенде қиындықтар болды ма?
- Мен бірнеше сырқатыммен диспансерлік есепте тұратындықтан жылына КТ, МРТ, ЭЭГ және т.б. тексерулерден жолдамамен тегін және уақтылы тексеріліп отырамын.
- Емделу кезеңіндегі медициналық қызметке және ақ желеңділер еңбегіне баға берсеңіз.
- Аудандағы кез келген деңгейде жұмыс істейтін медицина қызметкерлерінің еңбектері ауыр және адал. Еліміздің, ұлтымыздың әлауқатының жақсаруына медицина саласының қосып жатқан үлесін бағалай білейік. Еліне, халқына жыл бойы қалтқысыз жоғары деңгейде қызмет көрсететін дәрігерлерге мың алғыс.
- Рахмет. Әрдайым аман-есен болыңыз.

Жанболат ДІЛДӘБЕКОВ,
Сайрам аудандық орталық ауруханасының бас дәрігері, медицина ғылымдарының кандидаты.

ХАБАРЛАНДЫРУ

ҚР ҰҚК Түркістан облысы бойынша департаментіне Қоршаған ортаға эмиссиялар нормативтері, қалдықтарды басқару бағдарламасы, өндірістік экологиялық бақылау бағдарламасы, шекті нормативті шығарындылар мен тегінділер, экологиялық іс-шаралар жобалары жасалынды.

Өткізу орны: Түркістан облысы, Шардара қ., Төлеби көшесі, 40Б.

Өткізу күні мен уақыты: 2022 жылдың 5 желтоқсан күні сағат 12.00.

Өткізу орны: Түркістан облысы, Отырар ауданы, Шәуілдір ауылы, Жиібек Жолы көшесі 25.

Өткізу күні мен уақыты: 2022 жылдың 5 желтоқсан сағат 9.00.

Өткізу орны: Түркістан облысы, Мырзакент кенті, С.Жаштаев көшесі, 96 үй.

Өткізу күні мен уақыты: 2022 жылдың 5 желтоқсан күні сағат 16.00.

Өткізу орны: Түркістан облысы, Қазығұрт ауылы, Д.Қонаев көшесі, 95.

Өткізу күні мен уақыты: 2022 жылдың 6 желтоқсан күні сағат 14.00.

Өткізу орны: Түркістан облысы, Леңгір қаласы, Әйтеке би көшесі, 28.

Өткізу күні мен уақыты: 2022 жылдың 6 желтоқсан сағат 10.00.

Өткізу орны: Түркістан облысы, Келес ауданы, Абай ауылы, Т.Рысқұлов көшесі №83.

Өткізу күні мен уақыты: 2022 жылдың 7 желтоқсан сағат 14.00.

Өткізу орны: Түркістан облысы, Сарыағаш қ., Исмаилов көшесі, 37.

Өткізу күні мен уақыты: 2022 жылдың 7 желтоқсан күні сағат 9.00.

Төтенше жағдай және (немесе) шектеу шаралары енгізілген жағдайда қоғамдық тыңдаулар онлайн режимінде өткізіледі.

Онлайн қосылуға сілтеме: <https://us04web.zoom.us/j/6165408596?pwd=a1o0a3ROUGROYm1xZDZtbXJnTkNRUT09>.

Қоғамдық тыңдауға жіберілген құжаттармен келесі порталда танысуға болады esportal.kz, <https://www.gov.kz/memleket/entities/turkestan-tabigi-resurstar?lang=ru>

Бастамашы: ҚР ҰҚК Түркістан облысы бойынша, мекенжайы: Шымкент қ., Қ.Төлеметов к., №22, БИН 030140004744, тел. +7 707 186 1616.

Орындаушы: «Эко-Тест» ЖШС, БСН 080240010964.

Қоғамдық тыңдауға ұсынылып жатқан материалдармен келесі порталда esportal.kz танысуға болады. ҚР ҰҚК Түркістан облысы бойынша барлық тілек білдірушілерді қоғамдық тыңдауларға қатысуға шақырады. Барлық мүдделі тұлғалар өздерінің ескертулері мен ұсыныстарын келесі электрондық пошта мекенжайы бойынша енгізе алады: Vch@mail.ru, a.shymabekova@ontustik.gov.kz. Қоғамдық тыңдауларға шығарылатын қағаз жүзіндегі материалдармен Шымкент қ., Қ.Төлеметов к., №22 мекенжайы бойынша танысуға болады. Барлық сұрақтар бойынша мына телефонға: +7-707-186-16-16, 8-771-151-50-38 хабарласуға болады.

ОБЪЯВЛЕНИЕ

Общественные слушания методом открытого собрания по проекту нормативных документов выбросов и сбросов, программа управление отходами, программа производственного экологического контроля, план мероприятий по охране окружающей среды, раздел «Охрана окружающей среды» для РГУ «Департамент ПС КНБ РК по Туркестанской области».

Место проведения: Туркестанская область, г. Шардара, ул. Төлеби, 40Б.

Дата и время проведения: 5 декабря 2022 года в 12.00

Место проведения: Туркестанская область, Отарский район, Шаульдерский с.о, село Шаульдер, проспект Жиібек жолы, №25.

Дата и время проведения: 5 декабря 2022 года в 9.00

Место проведения: Туркестанская область, кент Мырзакент, ул. С.Жаштаева, 96 дом.

Дата и время проведения: 5 декабря 2022 года в 16.00

Место проведения: Туркестанская область, с.Казыгурт, улица Д.Кунаева, №95.

Дата и время проведения: 6 декабря 2022 года в 14.00

Место проведения: Туркестанская область, Төлебиский район, г. Ленгер, улица Айтеке би, 28.

Дата и время проведения: 6 декабря 2022 года в 10.00

Место проведения: Туркестанская область, Келесский район, с.Абай, ул. Т.Рыскулова, №83.

Дата и время проведения: 7 декабря 2022 года в 14.00

Место проведения: Туркестанская область, г. Сарыағаш, ул. Исмаилова, №37.

Дата и время проведения: 7 декабря 2022 года в 9.00.

В случае введения чрезвычайного положения и (или) ограничительных мероприятий, в том числе карантина, общественные слушания проводятся в онлайн-режиме.

Сылка на онлайн подключение: <https://us04web.zoom.us/j/6165408596?pwd=a1o0a3ROUGROYm1xZDZtbXJnTkNRUT09>.

С материалами, выносимыми на общественные слушания, можно ознакомиться на портале [esportal.kz](https://www.gov.kz/memleket/entities/turkestan-tabigi-resurstar?lang=ru), <https://www.gov.kz/memleket/entities/turkestan-tabigi-resurstar?lang=ru>

Инициатор: РГУ «Департамент ПС КНБ РК по Туркестанской области», адрес: г. Шымкент, ул. К.Түлеметова, дом №22, БИН 030140004744, тел. +7 707 186 1616.

Исполнитель проекта: ТОО «Эко-Тест», БИН 080240010964.

С материалами, выносимыми на общественные слушания, можно ознакомиться на портале esportal.kz, РГУ «Департамент ПС КНБ РК по Туркестанской области» приглашает всех желающих принять участие в общественных слушаниях. Все заинтересованные лица могут внести свои замечания и предложения, отправив их на электронную почту: Vch@mail.ru, a.shymabekova@ontustik.gov.kz. С материалами проекта в бумажном виде можно ознакомиться по адресу: г.Шымкент, ул. К.Түлеметов, дом № 22. По всем вопросам обращаться по телефону: +7-707-186-16-16, 8-771-151-50-38.

САУДА ӨТЕДІ

«Серт А» Ломбард» ЖШС сатып алынбаған мүлікке сауда жариялайды.

Сауда 2022 жылы 14 қараша күні сағат 10.00-де Шымкент қаласы, Республика даңғылы, 12-үй, 43-пәтерде өтеді.

Анықтама телефоны: 98-40-94.

САУДА ӨТЕДІ

«Серт KZ» Ломбард» ЖШС сатып алынбаған мүлікке сауда жариялайды.

Сауда 2022 жылы 14 қараша күні сағат 16.00-де Шымкент қаласы, Ш.Қалдаяқов көшесі, н/з үйде (Сабыр Рахымов атындағы әскери мектепке қарсы бетте) өтеді.

Анықтама телефоны: 98-40-94.

МҰРАГЕРЛІК АШЫЛДЫ

Қайтыс болу туралы анықтама негізінде (қайтыс болу туралы актілерді тіркеу кітабында 2022 жылы 28.06. №20-731-22-0000447 санымен тіркелді, 24.06.2022 жылы қайтыс болды) марқұм Нысанкулов Серикбайдың дүние-мүлкіне Түркістан облысы, Түркістан қаласы, Тәуке хан даңғылы, 200 (Сырдария сауда үйі) мекенжайы бойынша орналасқан нотариус Дарменова Жанар Жусуповнада мұрагерлік ашылды.

Түркістан облыстық мәслихаты мен облыстық мәслихат аппараты, сондай-ақ Түркістан облыстық Қоғамдық кеңесі мемлекет қайраткері, жерлесіміз Ғабидулла Рахматуллаұлы Әбдірахымовқа ауылы анасы

Анапия Келіметқызы МАЙРИХОВАНЫҢ қайтыс болуына байланысты қайғысына ортақта-сып көңіл айтады.